

Noć Ašure

16. decembar 2010. g . / 10. muharrem 1432. h. g.(četvrtak)

To je dan koji se naziva "Idu-l-enbija" (Bajram Bozijih Poslanika).

Noć Ašure je deseta noć mjeseca Muharrema. Muharrem je jedan od četiri mjeseca koji su poštovani u Kur'ani kerimu. **Ašure je najdragocjenija noć u tom mjesecu.**

Allah dželle-šanuhu je na dan Ašure ukabulio (primio, uslišao) mnoge dove. Svi sljedeći događaji su se desili na dan Ašure: Ademovo alejhisselam pokajanje (tevba) je uslišano; Nuhova alejhisselam lađa je spašena od potopa; Junus alejhisselam je izašao iz ribinog stomaka; Ibrahim alejhisselam je spašen, i nije izgorio u Nimrodovoj vatri; Idris alejhisselam se živ uzdigao na nebo; Ja'kub alejhisselam je našao svoga sina Jusufa alejhisselam i ponovo je progledao (njegove oči su se izliječile od mrene, katarakte); Jusuf alejhisselam je izašao iz bunara; Ejjub alejhisselam je ozdravio; Musa alejhisselam je prošao kroz Crveno more a Firaun se utopio; Isa alejhisselam se rodio, i pobjegao od jevreja da ga ne ubiju, i živ uzdignut na nebo.

Poslanik objasnjava vaznost posta na ovaj dan pa kaze:

"Za post jevmu-ašura, ja ću se zauzeti kod Allaha i zamoliti onog ko bude postio taj dan, da mu to bude kao kefareti (za grijeha koje je učinio u prošloj godini)".

"Poslije farz posta Allahu je najdrazi post koji se usposti u ovom mjesecu (Muharremu)."

Hazreti ibni Abbas, r.a., kaže: **"Allahov Poslanik je postio dan ašure i naredio je da se postio taj dan."** (Muslim).

Kada su ga pitali o danu ašure, **Allahov Poslanik je rekao: "Briše grijeha godine prošle."** (Muslim)

Onaj ko bi postio samo deseti dan Muharema je ispunio sunnet posta toga dana i u tome nema mekruha - pokuđenosti. Ko bi postio dan prije i dan nakon toga dana - takav post je još bolji, i što se više dana posti u mjesecu Muharremu sve je veća i nagrada.

Isto tako se prenosi se od Abdullaha ibn Abbasa r.a. da je Poslaniku s.a.v.s. nakon što je postio i naredio ashabima da poste Ašuru rečeno: ***'O Allahov Poslaniče, to je dan koji obilježavaju Židovi i Kršćani!'*** Rekao je **Poslanik s.a.v.s.: *'U narednoj godini ćemo inša-Allah postiti i deveti dan!'*** Pa on nije dočekao narednu godinu, jer je Poslanik s.a.v.s. te godine preselio" (Muslim)

Posteći deveti dan Muharema sa desetim, ili deseti i jedanaesti Muslimani se i u ovom ibadetu razlikuju od Jevreja.

Dakle, onaj ko želi da mu budu oprosteni grijesi iz prethodne godine on će se potruditi da ove dane provede u postu.